

《夷坚志》佚文拾补

赵章超

(西南大学 文学院, 重庆 400715)

摘要: 洪迈《夷坚志》, 原 420 卷, 后渐散佚, 今存仅约原书之半。上世纪初, 张元济从诸书辑得 26 卷。此后, 何卓、康保成、李裕民、王秀惠、李剑国、赵章超陆续有响应, 先先后后搜辑了一些佚作。但由于该书内容驳杂, 兼具子、史、集三部之特征, 导致其散佚面大, 辑佚工作并未结束。笔者于近年的宋代文言小说研究中, 翻检诸书, 复得佚文 80 余则。

关键词: 洪迈;《夷坚志》;佚文

中图分类号: I242 **文献标识码:** A **文章编号:** 1009-1017(2007)03-0044-08

南宋洪迈《夷坚志》原 420 卷, 被后世称作文言小说之巨编。但自明代以来就陆续散佚, 今所存仅约原书之半。上世纪初, 张元济先生编印《新校辑补夷坚志》, 从诸书辑得《志补》凡二十五卷、《再补》一卷, 并以“三补四补”以期后学。

此后陆续有响应者。中华书局 1981 年版何卓新校本《夷坚志》从《永乐大典》等书辑出佚文二十六则; 康保成有《〈夷坚志〉辑佚九则》, 载《文献》1986 年第 3 期; 李裕民有《〈夷坚志〉补遗三十则》, 载《文献》1990 年第 4 期; 王秀惠《〈夷坚志〉佚文辑补》凡得二十九则, 载《汉学研究》第 7 卷第 1 期; 李剑国辑有佚文二十二则, 载《宋代志怪传奇叙录》(南开大学出版社 1997 年版)。赵章超辑有佚文 21 则, 载《文献》2004 年第 4 期。但由于该书内容驳杂, 兼具子、史、集三部之特征, 导致其散佚面大, 辑佚工作并未结束。笔者于近年的宋代文言小说研究中, 翻检诸书, 复得佚文八十则如下。

1. 取明隔子, 人多呼为亮隔。《夷坚志》乃云: “廊上列水盆幌巾, 堂壁皆金漆凉隔子。”又却用此凉字, 作平声。(《瓮牖闲评》卷六)

2. “针指”二字本俗语,《夷坚志》采而用之, 亦自不恶也。其记婺州民女书云: “夜与母共寝, 昼则作针指于牖下。”(《瓮牖闲评》卷六)

3. 洪迈《夷坚志》云: 惊气入心络, 瘖不能言语者, 用密陀僧末一匕, 茶调服, 即愈。昔有人伐薪为狼所逐, 而得是疾, 或授此方而愈。又一军校采藤, 逢恶蛇病此, 亦用之而愈。此乃惊则气乱, 密陀僧之重, 以去怯而平肝也。其功力与铅丹同, 故膏药中用

代铅丹云。(《本草纲目》卷八)

4. 洪迈《夷坚志》云: 汝人多病瘰, 地饶风沙, 沙入井中, 饮其水, 则生瘰。故金房间人家, 以锡为井阑, 皆夹锡钱镇之。或沉锡井中, 乃免此患。(《本草纲目》卷八)

5. 洪迈《夷坚志》云: 台州狱吏悯一大囚, 囚感之, 因言: “吾七次犯死罪, 遭讯拷, 肺皆损伤, 至于呕血。人传一方, 只用白及为末, 米饮日服, 其效如神。”后其囚凌迟, 剑者剖其胸, 见肺间窍穴数十处, 皆白及填补, 色犹不变也。洪贯之闻其说, 赴任洋州, 一卒忽苦咯血, 甚危, 用此救之, 一日即止也。《摘玄》云: 试血法, 吐在水碗内, 浮者, 肺血也; 沉者, 肝血也; 半浮半沉者, 心血也。各随所见, 以羊肺羊肝羊心煮熟, 蘸白及末, 日日服之。(《本草纲目》卷十二下)

6. 洪迈《夷坚志》云: 秀川进士陆迎, 忽得吐血不止, 气蹙惊颤, 狂躁直视, 至深夜欲投户而出。如是两夕, 遍用方药弗瘳。夜梦观音授一方, 命但服一料, 永除病根。梦觉记之, 如方治药, 其病果愈。其方: 用益智子仁一两、生朱砂二钱、青橘皮五钱、麝香一钱, 碾为细末, 每服一钱, 空心灯心汤下。(《本草纲目》卷十四)

7. 热淋急痛, 海金沙草阴干为末, 煎生甘草汤调服二钱, 此陈总领方也。一加滑石。《夷坚志》。(《本草纲目》卷十六)

8. 洪氏《夷坚志》云: 河南一寺僧尽患瘰疾, 有洛阳僧共寮, 每食取苔脯同餐。经数月, 僧项赘皆消。乃知海物皆能除是疾也。(《本草纲目》卷二十一)

9. 《夷坚志》云: 有人服附子酒多, 头肿如斗, 唇裂血流。急求绿豆、黑豆各数合嚼食, 并煎汤饮之, 乃解也。(《本草纲目》卷二十四)

收稿日期: 2006-06-28

作者简介: 赵章超 (1959—), 四川泸县人, 西南大学文学院副教授, 文学博士, 主要从事古代小说研究。

10. 洪迈《夷坚志》云：莆田荔枝名品，皆出天成，虽以其核种之，亦失本体。形状百出，不可以理求也。（《本草纲目》卷三十一）

11. 伤寒舌出过寸者，梅花片脑半分为末掺之，随手即愈。洪迈《夷坚志》。（《本草纲目》卷三十四）

12. 妒精下疳，大诃子烧灰，入麝香少许，先以采泔水洗，后搽之。或以荆芥、黄蘗、甘草、马鞭草、葱白煎汤洗亦可。昔方士周守真医唐靖烂茎一二寸，用此取效也。洪迈《夷坚志》。（《本草纲目》卷三十五下）

13. 《夷坚志》：韩魏公有犀带，中一片乃鹿衔花，已为奇绝。至寿光中，以万缗贿海商，得犀一片，乃南极老人星象，尤为至宝。（《骈字类编》卷二百十五）

14. 《夷坚志》：眉州青城县道侧有小佛堂，俗谓猪母伏。东坡问之土人，曰：昔有牝猪化为二鲤，入泉中，盖猪龙也。泉出石上，不及三尺，大旱不竭。（《佩文韵府》卷二）

15. 《夷坚志》：江西赵尚书宅与常省元园相接，百计取之而不可得。一日常作一诗，书契送之，云：“乾坤到处是吾亭，机械从来未必真。覆雨翻云成底事，清风明月冷看人。兰亭禊事今非晋，桃洞神仙也笑秦。园是主人身是客，问君还有几年身。”赵得诗，不敢受券，即日还之。（《佩文韵府》卷十一下）

16. 《夷坚志》：汪应辰本玉山县弓手儿，喻子材为尉，授诸子学，有兵云：“汪兵子可学。”喻呼视之，状貌奇伟。出对试之，曰：“马蹄踏破青青草，”汪对曰：“龙爪拿开白白云。”（《南宋杂事诗》卷三）

17. 郑州书生《绝句》：照影空蒙山色里，背人扑漉水禽飞。梅花落尽春寒在，细雨斜风点客衣。《夷坚志》云：政和中，兵部侍郎王宓，坐降天神诬罔伏诛。初，宓好延道流，说丹灶神仙事。兄宽，守郑州，宓往省。郑有书生能诗，慕宓名，行卷来谒，内有诗云云，宓大称赏，即与定交。书生能招紫姑神，每下时，与人音容相接。携之至京师，习其术，十得七八，外间喧传，浸淫达于中禁。时林灵素方得志，朝士多欲宓亲幸以倾林，吏部尚书刘昺誉荐尤至。有旨赐对内殿，徽宗为之前席，约某日即禁宇邀天神。林遣人通意，欲与共功，宓拒之，林忿且惧。或为言：王侍郎何所能，特出于郑州一秀才耳。林因请间言于上，谓宓父昔在西边，尝与夏人有密约叛国，既而未成。宓将嗣其谋，为令刺客变服为道士，伺车驾焚香候神时，将肆不轨，初无上真降格之事。上疑焉。及某日，宓与书生诣东华，林先语阍卒，止生于外，拘系之，独宓得入。左右供役，皆小黄门，宓知堕林计，而无策可脱。阅三昼夜，寂无影响，乃执宓并书生付极刑。（《宋诗纪事》卷九十六）

18. 《戒庵漫笔》：今人大厅五间之前重置屋者，俗名五厅三泊暑，谓可障蔽炎热也。《夷坚志》作“扑水扑风板”，又作“屋翼剥风板”，或又作“仆处”，

谓厅上待客，童仆供侍宜列于此耳。（《艺林汇考·栋宇篇》卷八）

19. 花姑姓王名灵微；何仙姑姓赵名何，一名和，名疑；武真人名元照。见《夷坚志》。（《少室山房笔丛》卷四十三）

20. 米元章知淮阳，预知死期。以香木为棺，置黄堂上，饮食起居时在其间。及期，召吏民所亲厚者，与之别。索纸书云：“来从众香国中来，去当众香国中去。”掷笔而化。北山程俱致道所作墓志铭及洪迈《夷坚志》所言如此。（《滢水集》卷二十）

21. （郡人）至惑于《夷坚志》之说，谓此矢拔则龟目红，其言尤谬。今恐以讹传讹，故力辨之。（《始丰稿》卷七《辨钱塘铁箭》条）

22. 《客坐新闻》：弘治庚申，太仓孙廷慎行贩安吉，往来皂林，见巡司获盗三人，其人是彼处大族伍氏家丁也。盖其家每岁蓄蚕多，桑薄，饲之不继，因弃蚕十余筐，瘞之土窖中。三人仍驾船往市桑叶，不得。舟还途次，忽一大鲤鱼跃入舟中，约重数斤，三人喜其罕得，载归馈主。舟经皂林，巡司异其小船而用橹急驾，疑之，遂追捕至。验其外，见仓前有一人腿，三人自相惊骇，巡司即缚解浙江臬司，考掠甚至，询其身尸所在，三人不胜煅炼，诉辩得鱼之故，变异之端。主司不信，三人不得已而认之，云杀人身死，见埋在家隙地。主司即命吏主人等押至其家，妄指一地，发之正是瘞蚕之处，蚕皆不见，唯见一死尸，身躯完全，乃少一脚。按，此事《夷坚志》载之甚详，乃宋事也。（《弇山堂别集》卷二十六）

按，此则前后矛盾，前言为“弘治庚申”，则当为明代事，后则言为宋代《夷坚志》之事，姑存疑于此。

23. 饶州富民段二十八，绍兴丁卯岁大饥，流民满道。段积谷数仓，闭不肯赈。一日，方与家人评论物斛低昂间，忽天雨晦冥，火光满屋，段遂为震霆所击。家人发仓求救，其所贮谷亦已为天火所烧尽矣。盖饥者岁之不幸，虽冥数如此，而上帝岂不念之，安有不能赈济而又利其价之踊贵耶？宜其自取诛戮。（《乐善录》卷五）

按，夷坚甲志卷第八有《闭柴震死》篇，然与此差异颇大。

24. 刘总为夔州土曹日，有一囚在生死之间，太守必欲置之于法，总不能力争，竟论囚死。后总病，若有所见，屡自言曰：“我当时曷尝不欲与太守辩，第意不能夺，汝自知之。何为相守如此？”呜呼，刘总之见，乃佛家所谓人之临亡地狱相自见者也。大抵刑禁之地，人命所系，其可不确持公论以平反之？苟或不原其情，一一绳以文法，万一失入，咎当谁执？昔范鲁公质未显时，一日坐封丘茶肆中，手所执扇偶书“大暑去酷吏，清风来故人”之句，忽一怪陋人前

揖曰：“酷吏冤狱，何止如大暑也？公他日当深究其弊。”因携其扇去。公惘然者久之。后道过一庙，见一土木鬼状貌酷类向茶肆中所前揖者，扇亦在其手中。公益异之。及大用，遂首议律条繁广，轻重无据，吏得因缘为奸。周祖因诏公详定，是为《刑统》。夫鬼之为物，性多暴猛，然指酷吏冤狱，尚以为非大暑之比，且区区以是告公，则酷吏冤狱之毒，不言可知。刘总之见，可以为戒。夷坚乙志。（《乐善录》卷七）

按，此可补夷坚乙志卷十三《刘子文》。

25. 汤泉，县东五里。宋洪迈《夷坚志》：泉中有朱砂。（《湖广通志》卷十）

26. 《夷坚志》：汉建平二年，哀帝母丁太后崩，上曰：“宜起陵于恭皇之国，送葬定陶。”王莽秉政，贬号丁姬，开其椁户，火出炎四五丈，吏卒以水泼灭，乃得入，烧焚椁中器物。公卿遣子弟及诸生四夷十余万人，操持作具助将作，掘平恭王母傅太后坟及丁姬冢，又周棘其处以为世戒。时有群燕数千，衔土投于丁姬窀穸中。今其坟冢巍然，列郭数周，面开重门。南门外夹道有仆碑二，世谓之丁昭仪墓，又谓之长隧陵。（《山东通志》卷三十六）

27. 金大定间，吕仙翁来游单。父与邑人惠仲为友，徜徉花圃中，因浚二井水，初苦涩，掷瓦砾其中，水遂甘冽。二井相去二里许，泉穴相通，北井沉物其中，南井浮出。又有仙翁鹤草，在城东北隅。相传仙翁以四月十四日诞来游，邑人包九成者，于前一日积虔致祷，次日果有白鹤四只从西南来，晡时方去。自是每仙翁诞期，祠侧草荆上陡成鹤形，日高遂泯。人传为吕翁鹤草。（《山东通志》卷三十六）

28. 《夷坚志》载……世南在蜀中，遍访林下人，求独炼法，鲜有能者。忽一日，得青城山道友传授云：“《丹经》谓：‘捉得龙，伏得雄。’言雄黄见火，则飞走为烟焰，最难伏也。其法用雄黄不拘多少，研细。甘锅火内，煨令通红，取出。揅雄黄末入焰硝内，急用桃枝搅转，即成水矣。急倾出瓦碟内，微侧碟子，则清者一边。俟凝取出，去粗者，研细，以宿蒸饼为元，如绿豆大，每服三元至七元。如前法，服雄黄末一两，大约用焰硝一钱。此乃丹灶家秘法，得之甚艰。古人云：“施药不如施方。”故详记之。（《游宦纪闻》卷一）

29. 洪景卢《夷坚志》云：一士夫赴官就道，其子妇方怀妊，轿夫颠仆而半产。乃翁呼轿夫欲治之，夫曰：“暹晓不辨道路，为一石所碍。”翁不信，亲往视之，匾阔微吐，良玉璞也。携诸玉工解作三片，青质白章，成山林云月飞鸟象，历历分明。自取其二，以一谢工。工治作屏，因贵瑯以献御府。惜其无对，召工问之，工具以士夫姓名对，被旨以重赏宣，铸成三屏，置之玉虚殿。（《洞天清录》）

按，中华书局点校本《夷坚志》补卷二十一有《凤

翔道上石》条，有的情节与此有相似处，也有的情节与此迥异。

30. 水石钟秀，山川景物可奇。夷坚载高州茂名县黄尖岭石理有岩树景物。朱子困帅桂，以两石致景卢，老干扶疏，上挟云气，下临广漠，混然天成，略无斧凿，过永石远矣。黄尖昔有仙人潘姓居此炼丹，遗英在地，融结一层复一层，殆可揭取。（《说郛》卷二十一引《三柳轩杂识》）

31. 陶谷破李后主研上圆石，内亦有小鱼……见《夷坚志》。（《玉芝堂谈荟》卷二十五）

32. 《夷坚志》：攸县灵龟岩尝有二白龟出没水中，每出辄有紫云覆之。宋徐湛之有翠龟表。句容县人畜龟一头，体披翠毛，腾跃飞集。（《玉芝堂谈荟》卷三十五）

33. 《夷坚志》：猯似猴而差大，行则大者前，小者后。有为射所中，则拔死者矢自刺而死。盖兽之有仁义者，或曰猯，一名，一作雌。（《山堂肆考》卷二百三十七）

34. 宋《夷坚志》云：扑满者，以竹为窍，为蓄钱具。有人窍而无出窍，满则扑之。（《渊鉴类函》卷三百六十二）

35. 《夷坚志》：周益公以一汤盏赠贫友，归以点茶，才注汤，其中辄有双鹤舞。啜尽乃灭。（《格致镜原》卷五十一）

36. 夷坚庚志书谢诚甫任南床日，论赵忠简公不遗余力，而谢为赵之上客。岂逼于言责，不暇顾私恩，所见与虞异矣。（《清波杂志》卷十一）

37. 石蠹鱼，原《夷坚志》。蔡州士人书室见小蠹鱼，陆离蜿蜒，每日巳时见，至午乃隐，日日如此。因捕得，至午乃化为石，奇妙天然，明日巳午又蠕变如此。后遇京师一内人曰：此神物，禁中玉兔、玉鼠以时见，同此。（《御定月令辑要》卷二十四）

38. 按洪迈夷坚甲志：（郑）良字少张，英州人。迈父尝贬英州，此必不误。（《建炎以来系年要录》卷十二）

39. 洪迈夷坚已志：当涂圭田最厚，民事清简，居官者乐之。绍兴初，遇守郭伟满秩，不遣吏卒迎新守。方承不能俟迓人，拿舟径至。郭闭子城拒之，云已申朝廷，乞补谒告月日。方君乃借用兵马司印，莅事于班春堂。监司具奏其状，两人皆罢去。（《建炎以来系年要录》卷四十六）

40. （邵）相尝为岳飞所劾。此据洪迈《夷坚志》。（《建炎以来系年要录》卷一百四十二）

41. 初，陕西连岁不雨，至是泾、渭、灞、浐皆竭，五谷焦槁。秦民无以食，争西入蜀。川陕宣抚副使郑刚中以誓书所禁，不敢纳，皆散去饿死。其壮者，北人多买为奴婢。郡邑荡然矣。此据洪迈夷坚乙志。（《建炎以来系年要录》卷一百四十七）

42.《夷坚志》：楚王坟墓之地。（《宋本方輿胜览》卷二十九《楚王坟墓》条）

43.《夷坚志》：夔人龙澄游灊水，见水中一石合，命渔人探取之，获玉印五，文字如星霞焰，非世间篆籀比。忽见天神侍立曰：“某乃九天使者，所获玉印乃上帝所宝。昔禹治水，拜而授之。水土既平，复藏之名山大川。今守护不谨，可亟投元处。”澄如其言，后亦登科，为桃源令。（《宋本方輿胜览》卷五十七《大水》条）

按，拙著《〈夷坚志〉佚文小辑》曾据《蜀中广记》卷六十九辑有该则佚文，然太简略，故此复录之。

44.《夷坚志》：昆山县旧有谿：潮到怡亭出状元。宋绍兴间，县令叶子强建此馆。淳熙七年，潮果至，黄由、卫泾相继应谿。（《明一统志》卷八）

45.洪迈《夷坚志》：建炎四年，宣抚司周望退保姑苏，惧金兵来袭，急走通惠镇。（《大清一统志》卷五十八）

46.无垢院，光化二年吴越王建。旧名无着，系无着禅师塔所，嘉定十四年移请今额。院后有鴉鸡岩及仙人台。旧传有三人入寺游，有“南坞数回泉石，西霞几迭烟云”之句，人以为仙云。事载《夷坚志》。（《咸淳临安志》卷七十八）

47.吕宣问字季通，开封人，宋文穆公蒙正之四世孙。徙居溧阳，父希圆绍兴甲子倅洋州，妾韩氏生宣问，甫六岁辞去，莫知所之。父卒，母李氏独在。宣问既长，将访所生，以池阳当蜀人往来信道，乃求调录事参军，凡蜀客经从，必托使物色存否。临满秩而仙井兵杨俊报之曰：韩氏在彼。时李氏已老，无他男，宣问不可舍李氏而远涉，亟调峡州推官，欲益近蜀。至之次年，被檄如荆门，过当阳玉泉寺，寺侧武安王庙，求梦而应。果得其母于仙井。时绍熙庚戌，相失四十余年，母子复如初，相持悲泣，吏卒为之出涕。李氏时年八十三，韩亦七十矣。邑人于庙求梦多验，宣问谒焉，是夕，梦至庙中，见一道人坐井上曰：“此琉璃井也。”有童子持一龟与之。宣问悟曰：“道人临井上，仙井也。龟者，归也。”遽遣迎致，果得之云。洛阳吴仁杰斗南赋诗美之，详见《夷坚志》。（《至大金陵新志》卷十三上之中。此又见《景定建康志》卷四十八）

48.《夷坚志》：（吴先生）居崇德市中，善易筮，日惟一课。鹑衣箬笠，扁一屋于邸，逼邻圆混，上穿下漏，惟一竹簟为床，下积败瓶故瓮，虫鼠遯走戛戛然。风雪阴雨则终日闭户。得钱米衣肉，共置一窟中，时为人窃去，不问也。无锡戴士先母病率不能行，七八年矣，百计求愈不得。士先过崇德，携百钱访之，吴为揲卦，卦成曰：“当得有道之士治之。姑苏果道人，不为势利所诱，君纯孝，往求必得如志。然其人无定居，当以百日为期，日历一巷寻觅，庶可见。”

士先喜，持书抵苏，行求不倦。仅五旬，果逢果道人，投以书，欣然至无锡为戴母诊视。数日即能移步，母拔金钗谢之，笑曰：“且寄夫人处，他时要用当取之，但馆我于外足矣。”馆之岁余，忽言曰：“我且死，幸鬻所寄钗以办棺窆。”明日果死，戴氏奉其教，及将窆，中已空矣。盖异人也。（《浙江通志》卷一百九十六《吴先生》条）

49.洪氏三庚志云：盘门外大冢，绍兴二年秋雨溃圯，牧童入其间得铜器数种，持卖于市，乡人往视圯处，盖其隧道，有石刻隶书云：“大吴长沙桓王之墓，赤乌三年。”凡十二字。知府沉揆亟命掩塞，仍立石表其所，滕戎为记。袁席之谓策死距赤乌三年已四十载，岂非权称制之久复改葬乎？所得之器，滕藏一小镜，其背有铭十四字，一铜小麟镇纸，无款识，以遗席之。嘉熙中，墓傍土中又得唐孙德琳墓志云：“开元十年窆于十四代祖吴武烈皇帝陵东南平地。”又按《丹阳图经》载高陵在县西练塘乡吴陵港，熊以传记证之，当是坚葬曲阿，后迁于吴，史不及详载尔。滕戎所记，谓绍熙中，提举常平张体仁尝命其属表之，题曰“先贤墓”。徐谊属戎考订，止从俗称孙王墓。戎盖据陈寿说破虏葬曲阿及言策之薨，其将周瑜鲁肃皆赴丧，独指此为伯符之墓，亦未尝及谢询所表，不审三坟同域，故论说纷纭，自相抵牾。在政和知为豫州之墓，在绍熙知为长沙之墓，皆不能质诸传记以求其说。地亦尝为官窑，故旧志不复详究矣。因备载始末，传诸好事。仍录古今文词如左云：梁何逊《行经孙氏陵》：昔在零陵厌，神器若无依。逐兔争先捷，擒鹿竞因机。呼吸开伯道，叱咤淹江畿。豹变纷奇略，虎视肃戎威。长蛇衄巴汉，骥马绝淮淝。交戟无内御，重门岂外扉。成功举以弃，凶德愆而违。水龙忽东骛，青盖乃西归。蝼蚁来永久，年代暖微微。苔石疑文字，荆坟失是非。山莺空曙响，陇月自秋辉。银海终无浪，金凫会不飞。阒寂今如此，望望沾人衣。宋刘充庄题《长沙王墓》：霸略谁堪敌伯符，每开史册想规模。一千扫众横江去，十七成功自古无。警蹕未迎归大内，英雄可惜死东吴。君看末命尤奇特，指顾张昭为托孤。余诗文具载郡人朱凯所辑《高陵编》。（《姑苏志》卷三十四）

50.麋师旦，字周卿，吴人。绍兴戊辰登科，绍熙庚戌为江东转运主管官，蜀相士杨生谓于相法当有肉峰生顶上，愈壮则愈显。后果有肉隆然，癸丑岁为嘉禾守，杨复访之，则峰益高。麋尝历御史主簿、秘书郎，春秋几七十年矣，然才至左司郎中，卒于乙卯。（《夷坚志》。（《吴中旧事》）

51.乡先生罗秘丞《日录》：“柔直尝知鼎州，秘丞罢舒州土曹，避地于乡之石牛寨，与之素昧平生。时方道梗，柔直在湖南，乃宛转寄诗存问云：‘曾闻避世门金马，何事投身寨石牛！千里重湖方鼎沸，可

能同上岳阳楼。’则其汲汲人物之意，亦可见矣。”是诗《夷坚志》亦载，但以为袁司谏作，非也。（《朱子语类》卷一百一）

52.《夷坚志》梁山有汉武帝庙，至今有祭者。往往有一二百胡蝶降祠所享其食，近之不惊，彻饌然后群去，时谓武帝侍从，捉之必致病。（《御定分类字锦》卷五十九《武帝侍从》条）

53.《夷坚志》：湘潭梅下江畔有石高十数丈，其形类鹰，喙插水，翼如坠而将敛，其势甚雄。忽一年州仓失米，召道士行法，知为石鹰所窃，掘石下，果有米数十石。（《御定韵府拾遗》卷二十五《石鹰》条）

54.宗室令穰字大年，作小轴甚清丽，陈后山诗云“今代风流数大年”是也，此诗洪景卢《夷坚志》所载。（《山谷诗集注》之《山谷别集》卷下）

55.针急喉闭：于大指外边指甲下根齐针之，不问男女左右，只用人家常使针，针之令血出即效。如大段危急，两手大指都针之，其功甚妙。庚志。（《医说》卷二）

56.唐与正治疾：唐与正少年得脉法于临安医者黄泽，继又得药法于太学生夏德懋，所召紫霞仙，遇人有奇疾，多以意治。其侄女年数岁，得风痺疾，先发于臆，迤俚延上，赤肿痛痒，医以上膈风热治之，不效。唐诊之曰：“是肝肺风热盛极耳。”以升麻、羌活、荆芥、鼠粘子、赤芍药、淡竹叶、桔梗、干葛八物治之，自下渐退，而肿聚于顶，其高数寸，虽饮食寝处无妨，而疾终未去也。唐母吴夫人曰：“此女乳母好饮热酒，至并歎其糟，疾殆因是欤？”唐方悟所以至顶不消之由，思之唯干葛消酒，且能疗火毒，乃于先方加葛三倍使服之，二日肿尽失去。从舅吴巡检病不得前洩，卧则微通，立则不能涓滴，医遍通用小肠药，穷技巧弗验。唐因其侄孙大用来，问吴常日服何药，曰：“叔祖常服黑锡丹。”问何人结砂，曰：“自为之。”唐洒然悟曰：“是必结砂时铅不死，硫黄飞去，铅砂入膀胱，卧则偏重犹可洩，立则正塞水道，以故不能通。令取金液丹三百粒，分为十服，煎瞿麦汤下之。膀胱得硫黄，积铅成灰，从水道下犹累累如细砂，病遂愈。葛之消酒硫黄之化铅，皆载经方，苟不知病源而以古方从事，未见其可也。《夷坚志》（《医说》卷二）

按，张元济先生《夷坚志再补》从《名医类案》卷九辑有该则佚文，分为《治铅毒方》和《治酒毒方》两则，然不如此详备。

57.人參胡桃汤：洪辑居溧阳县西寺，事观音甚敬。幼子佛护病痰喘，医不能治，凡五昼夜不乳食，证危甚。又呼医杜生诊视，曰：“三岁儿抱病如此，虽扁鹊复生，无如之何尔。”辑但忧泣办凶具，而其母以尝失孙，愁悴尤切。辑益窘惧，投哀请祷于观音，至夜中，妻梦一妇人自后门入告曰：“何不服人參胡

桃汤？”觉而语辑，辑洒然悟曰：“是儿必活，此盖大士垂教尔。”急取新罗人參寸许，胡桃肉一枚，不暇剥治，煎为汤，灌儿一蚬壳许，喘即定；再进遂得睡。明日，以汤剥去胡桃皮，取净肉入药与服，喘复作。乃即如昨夕法治之，信宿有瘳。此药不载于方书，盖人參定喘，而带皮胡桃则敛肺也。予以淳熙丁未四月有痰疾之挠，因晚对，上宣谕使以胡桃肉三颗、生姜三片，临卧时服之毕，即饮汤三两呷，又再嚼桃姜如前数，且饮汤，勿行动即就枕。既还玉堂，如恩指敬服，旦而嗽止，痰不复作。辑之事亦类此云。已志。（《医说》卷三）

按，此则《至大金陵新志》卷十四也载，张元济先生《〈夷坚志〉再补》从《焦氏笔乘》卷五辑有该则佚文，然大不如此详备。

58.悬痈：谷道外肾之间所生痈毒，名为悬痈，医书所不载，世亦罕有知者。初发唯觉甚痒，壮如松子大，渐如莲实，四十余日后始赤肿如胡桃，遂破。若破则大小便皆自此去，不可治矣。其药用横纹大甘草一两，截长三寸许，取山涧东流水一大碗，并水河水不可用，以甘草蘸水，文武火慢煮，不可性急，须用三时久，水尽为度。擘视草中润，然后为透，却以无灰酒两碗煮，俟至一半，作一服温服之。初未便效验，二十日始消，未破者不破，可保安平，虽再进无害。兴化守姚康朝正苦此痈，众医拱手，两服而愈。（《医说》卷三）

59.惊风妙药：赵周氏之子三岁，忽惊风掣疯，体如反张弓，不纳乳食，四肢尽冷，众医莫能措手。族弟善信来云：“邑主簿李廉藏一方，疗此证如神。”急求并力治药，才合就便以擦儿齿，少顷作啾咳声，手稍转动。自夜至旦灌两饼，从此平复。赵焚香设誓将终其身以施人。名蝎稍饼子，用赤足全蜈蚣一条，蝎梢、乳香、白花蛇肉、朱砂、天南星、白僵蚕各半两，麝香三钱，凡八味，砂乳麝别研，蛇酒浸去皮骨，取净南星煨热，蚕生用，与蜈蚣五者为末，别研三者，和均酒，糊丸捏作饼，径四分，煎人參或薄荷或金银花汤，磨化一粒，周岁以下者半之，全活小儿不可计。（《医说》卷三）

60.治内障羊肝丸：治目方用黄连者多矣，而羊肝丸尤奇特异。用黄连末一两，白羊子肝一具去膜，同于砂盆内研令极细，众手为丸梧桐子大，每服以温水下三十丸，连作五剂，但是诸目疾及翳障青盲皆治。忌猪肉、冷水。唐崔承元者，因官治一死囚，出活之。囚后数年以病目致死。一旦崔为内障所苦，丧明，逾年后，半夜叹息独坐，忽闻阶除悉窣之声，问为谁，徐曰：“是昔蒙活囚，今故报恩至此。”遂以此方告，言讫而没。崔以此合服，不数月眼复明。（《医说》卷三）

61.寒嗽：晋之侄事观音甚谨，适苦嗽逾月，夜

梦老僧呼谓之曰：“汝嗽只是感寒，吾有方授汝，但用生姜一物切作薄片，焙干为末，糯米糊丸芥子大，空心米饮下三十丸。”觉如其言，数服而愈。（《医说》卷三）

按，以上二则皆出自夷坚癸志。第二则首句可补《夷坚志再补》之《生姜治嗽》

62. 圣散子之功：圣散子主疾，功效非一。去年春，杭州民病，得此药全活者不可胜数。所用中下品药，略计每千钱即得千服，所济已及千人。昔薄拘罗尊者以一诃梨勒于一病比丘，故获报身，身常无众疾。（《医说》卷三）

63. 驴轴治症：疗症无久新发无期者，驴尾下轴垢，水洗取汁，和面如弹丸二枚，作烧饼，症未发前食一枚，至发后食一枚。庚志。（《医说》卷五）

64. 掘石榴东引根皮，洗曝捣细，不兼他味，隔宿虚其腹，凌晨温酒调服妙。（《医说》卷五）

65. 酒虫：齐州士曹席进孺，招所亲张彬秀才为馆舍。彬嗜酒，每夜必置酒数升于床隅。一夕，忘设焉，夜半大渴，求之不可得，忿闷呼躁，俄顷呕吐一物于地。旦起视之，见床下块肉如肝而黄，上如窠，犹微动。取酒沃之，唧唧有声，始悟平生酒病根本。亟投诸火中，后遂不饮。丁志。（《医说》卷五）

按，夷坚丁志卷第十六有《酒虫》篇，但残缺不全，故辑之于此。

66. 中仙茅附子毒：郑长卿资政说，少时随父太宰官怀州，一将官服仙茅遇毒，舌胀出口，渐大与肩齐，善医环视，不能治。一医独曰：“尚可救，少缓无及矣。”取小刀其舌，随破随合，至百数，始有血一点许。医喜曰：“无害也。”舌应时消缩小，即命煮大黄、朴硝数碗，连服之。并以药末掺舌上，遂愈。又盖谅郎中说，其兄诜因感疾，医卢生劝服附子酒，每生切大附二两，浸以斗酒，旦起辄饮一杯，服之二十年。后再为陕西漕使，谅自太学归，过之南乐县，拉同行，中途晓寒，诜饮一杯。竟复令温半杯，比酒至，自觉微醉，乃与妻使饮。行数里，妻头肿如斗，唇裂血流，下驻道傍，呼随行李取医告之，李使黑豆绿豆各数合生嚼之，且煎汤并饮，至晓肿始消。诜仍服之不辍，到长安数月，失明，遂致仕，时方四十二岁。（《医说》卷六）

67. 鲍君大王：明州人家女既嫁归宁，媵妾幽兰从群婢往园挑菜，忽闷眩仆地，言语无伦，如有凭附。扶至房，半日方醒，问其故，曰：“吾必死矣。吾前生是河北眼科医，有村媪独处，病赤目，吾阴利其货，投转药杀之，尽掩室中之藏，外无一知者。媪诉诸东岳，命逮治而吾冥数未竟，不可寻索。后二十年，前身死，又注生此州，媪久抱恨泉壤，复往诉，岳帝怜之，择健馱贾文书诣天下郡县求访殆遍，未乃到浙东。既至此，将入城，阖卒呵问，示以文书，卒

曰：“是城隍符耳，吾城中事乃鲍君大王主之，城隍无预。”拒不得入，馱与媪迤逦至城外三十里高桥下，潜伏累日。别有鬼吏从西来，亦驻桥边，与岳馱更问讯，吏曰：“吾正隶鲍君为急足，近往洞庭君山庙投书回，幸此相遇，吾极念汝，能从吾行，当祈城卒令人也。”二人拜谢，偕往，果得入。径诣鲍君殿下呈檄，鲍君展视曰：“此檄城隍神也，汝何自而入？”馱悉以实告，鲍君呼曩吏曰：“只差汝同追。”吏声喏，挟馱媪同出，数日不值。一夕中秋，街巷闻老妇烧夜香者祝云：“有女子在某宅为从嫁，其词云云。”媪欣然曰：“冤家可得矣。”趋至其居，而门神不纳，又伏藏后园，适审认，已为冥中所录，行且就逮，宿世冤孽，定无脱理。家人欲召巫史救之，未暇，媵自持刀剔双目而死。”戊志。（《医说》卷十）

68. 治下疳疮：有富家子唐靖，年十八九未娶，忽于阴头上生疮。初只针眼来大小，畏疼，不敢洗刮。日久攻入皮肉，连茎烂一二寸许。医者止用膏药，贴之愈疼，亦无人识此疮。有贫道周守真曰：“此谓下疳疮，亦名妒精疮，缘为后生未娶，精气益盛，阳道兴起，及当泄不泄，不泄强泄，胀断嫩皮，怕疼痛失洗刮，攻入皮内，日久遂烂，有害却命者。”靖告先生为治之，守真曰：“若欲治此疾，须是断房事数日，先用荆芥、黄皮、马鞭草、甘草锉入葱，煎汤洗之，去脓腐。以诃子烧灰，入麝香，干掺患处，令睡。睡醒，服冷水两三口，勿令阳道兴起胀断疮腐，腐坚即愈。庚志。（《医说》卷十）

69. 王舜求云：莴菜出异国，有毒，百虫不敢近。蛇虺过其下，误触之，则目瞑不见物。人有中其毒者，唯生姜汁解之。（《名医类案》卷十二）

70. 南海有石首鱼者，盖鱼枕也。取其石治以为器，可载饮食。如遇蛊毒，器必爆裂，其效甚着。福唐人制作尤精，人但玩其色，鲜能识其用。（《名医类案》卷十二）

71. 饮酒中毒经日不醒者，用黑豆一升煮取汁，温服一小盏，不过三次即愈，今人谓之中酒是也。（《名医类案》卷十二）

72. 太子中允关杞曾提举广南西路常平仓，行部邕管一吏人为虫所毒，举身溃烂，有一医言能治，使视之，曰：“此为天蛇所螫，疾已深，不可为也。”乃以药敷其疮，有肿起处以钳拔之，凡取十余条而疾不起。又钱塘西溪尝有一田家，急病癩，通身溃烂，号呼欲绝。西溪寺僧识之，曰：“此天蛇毒尔，非癩也。”取木皮煮饮一斗许，令其恣饮。初日疾减半，两三日顿愈。验其木，乃今之秦皮也。然不知天蛇何物，或云草间黄花蜘蛛是也。人遭其螫，仍为露水所濡，乃成此疾。露涉者戒之。（《名医类案》卷十二）

按，以上四则原书未注明出处，但根据其引书规律及前后文内容，当为《夷坚志》佚文。

73. 薛立斋治一妇人素性急，患肝风之症，常服搜风顺气丸、秦艽汤之类。后大怒吐血，唇口牵紧，小便频数或时自遗。此肝火旺而血妄行，遂用小柴胡汤加山栀丹皮，渐愈。五年之后，又大怒吐血，误服降火祛风化痰之剂，大便频数，胸满少食，用清气化痰之剂，呕而不食。头晕口干，不时吐痰，用导痰降火之类，痰出如涌，四肢常冷。薛曰：“呕而不食，胃气虚弱也；头晕口干，中气不能上升也；痰出如涌，脾气不能摄涎也；四肢逆冷，脾气不能运行也。”用补中益气加茯苓半夏治之，诸症渐愈。又用加味归脾汤兼服而安。（《续名医类案》卷十六）

74. 一老妇每吐血，先饮食不进，或胸膈不利，或中脘作痛，或大便作泻，或小便不利，此肝脾之症，用逍遥散加山栀、茯苓、远志、木香而愈。后郁结吐紫血，每作先倦怠烦热，以前药加炒黑黄连三分、吴茱萸二分顿愈。复因怒，吐赤血甚多，燥渴垂死，此血脱也，法当补气，乃用人参一两、茯苓、当归各三钱，陈皮、炮黑、干姜各二钱，炙甘草、木香各一钱，一剂顿止。又用加味归脾汤调理而痊。（《续名医类案》卷十六）

75. 一女子怀抱素郁，胸满食少，吐血面赤，用六味丸及归脾加山栀、贝母、白芍而愈。（《续名医类案》卷十六）

76. 一妇人为哭母吐血咳嗽，发热盗汗，经水不行。此悲伤肺，思伤脾，朝服补中益气，加桔梗、贝母、知母，夕用归脾汤送六味丸而愈。（《续名医类案》卷十六）

77. 陈良甫治一妇人月经不利，忽妄行呕血。察其形脉如常，用四物丸即安：生荷叶、生艾叶、生柏叶、生地黄。一男子饱食负重而吐血，用前汤及青饼子而愈。世治吐血，并用竹茹、地黄、藕汁，亦不可拘泥。如阳乘于阴，血得热则流散；经水沸溢，理宜凉解，大黄、犀角之类。如阴乘于阳，所谓天寒地冻，水凝成冰，须当温散干姜、肉桂之类。（《续名医类案》卷十六）

78. 陈日华云：先公绍兴初常游福青灵石寺，主僧留饭，食将竟，侍者赴堂斋罢来侍立，见桌子上不稳，急罄折极之。举首即呕血，盖食饱拗破肺也。明年再到寺，问去年呕血者无恙否，主僧言服得四生丸遂愈。自得此方屡救人有效。薛意前症乃内热暴患用之有效，若人病久本元不足，须补脾以滋化源。否则虚火上炎，金反受克，获生鲜矣。（《续名医类案》卷十六）

79. 仆常治一人吐血，诊其脉，肝部强气口濡，此因怒极而得之，遂用苏合香丸和鸡苏丸，服即效。（《续名医类案》卷十六）

按，以上七则皆出自夷坚辛志。

80. 舒筋法，治伤破后筋挛缩不能伸，他病筋缩

亦可用。以大竹管长尺余，钻一窍系以绳，挂于腰间，坐贴举足搓袞之，勿计工程，久当有效。此方出《夷坚志》，言之亦有理，曾试自有效。（《普济方》卷一百十三）

81. 《夷坚志》：人参一寸，用官拣者。胡桃二枚，去壳不去皮。右以水二盏，姜五片，枣二枚，临卧煎服。盖人参定喘，带皮胡桃能敛肺也。（《证治准绳》卷二十三）

82. 《夷坚志》载：东京女子白牡丹，以售堕胎药，生得恶报。今虽列如上方，以备万一之用，用者尚其慎之。（《证治准绳》卷六十七）

83. 《夷坚志》云：杜壬治郝质子妇，产四日，痠痲戴眼，弓背反张。壬以为痙病，与大豆、紫汤、独活汤而愈。政和间，余妻方分娩，犹在蓐中，忽作此证，头足反接，相去几二尺。家人惊骇，以数婢强拗之不直，适记所云，而药草有独活，乃急为之。召医未至，连进三剂，遂能直。医至即愈矣，更不须用大豆紫汤。古人处方神验屡矣。（《证治准绳》卷六十九）

84. 《夷坚志》：治热淋急痛，海金沙草日中曝之，令小干，纸衬以杖击之。有细沙落纸上，旋收之。且曝且击，以沙尽为度。研细，煎生甘草汤调服二钱。（《神农本草经疏》卷十一）

85. 《夷坚志》：伤寒舌出过寸者，梅花片脑半分为末，掺之，随手而愈。又方中风牙噤，无门下药者，开关散揩之。五月五日午时用龙脑天南星等分为末，每以一字揩齿二三十遍，其口自开。（《神农本草经疏》卷十三）

86. 硃砂方出自唐宋，症癖痼疾推之不移者，非此不化。木香专走三焦，硃砂亦能化三焦之痼疾，故方名并称之。三棱破血中之气，昔有五色症块为刀柄，遇棱化水。《夷坚志》所载甚悉。（《绛雪园古方选注》卷八）

87. 密陀僧，即是炉底研极细，右每服挑壹大钱，已无热者用热酒调下，有热者沸汤泡麝香调下。亦治暗风，颇有奇效。出《夷坚志》。（《仁斋直指》卷十一）

88. 观音应梦散，《夷坚志》：治老人虚嗽，人参一寸，胡桃二枚不去皮，右二味以枣二枚、姜五片水煎服。（《兰台轨范》卷四）

参考文献：

- 《瓮牖闲评》[M]. 上海古籍出版社 1985 年版.
- 《建炎以来系年要录》[M]. 中华书局 1956 年版.
- 《本草纲目》[M]. 人民卫生出版社 1982 年版.
- 《骈字类编》[M]. 中国书店 1984 年版.
- 《佩文韵府》[M]. 上海古籍书店 1983 年版.
- 《南宋杂事诗》[M]. 浙江古籍出版社 1987 年版.
- 《宋诗纪事》[M]. 上海古籍出版社 1983 年版.
- 《艺林汇考》[M]. 中华书局 1988 年影印本.

《少室山房笔丛》[M]. 光绪二十二年广雅书局校刊本.
《滢水集》[M]. 四部丛刊本.
《始丰稿》[M]. 四库全书本.
《弇山堂别集》[M]. 中华书局 1985 年版.
《乐善录》[M]. 涵芬楼《续古逸丛书》影印宋刻本.
《湖广通志》[M]. 四库全书本.
《山东通志》[M]. 四库全书本.
《游宦纪闻》[M]. 中华书局 1981 年版.
《洞天清录》[M]. 海山仙馆丛书本.
《说郛》[M]. 涵芬楼藏本.
《玉芝堂谈荟》[M]. 清光绪元年跋, 蒨园藏校刊本.
《山堂肆考》[M]. 四库全书本.
《渊鉴类函》[M]. 中国书店 1985 年版.
《格致镜原》[M]. 光绪十四年刊本.
《清波杂志》[M]. 中华书局 1994 年版.
《御定月令辑要》[M]. 四库全书本.
《宋本方輿胜览》[M]. 上海古籍出版社 1986 年版.
《明一统志》[M]. 四库全书本.
《大清一统志》[M]. 光绪丁酉夏杭州竹筒斋石印本.

《咸淳临安志》[M]. 四库全书本.
《至大金陵新志》[M]. 四库全书本.
《浙江通志》[M]. 四库全书本.
《姑苏志》[M]. 四库全书本.
《吴中旧事》[M]. 函海本.
《朱子语类》[M]. 中华书局 1986 年版.
《御定分类字锦》[M]. 四库全书本.
《御定韵府拾遗》[M]. 四库全书本.
《山谷诗集注》[M]. 清光绪二十五年刊本.
《医说》[M]. 四库全书本.
《名医类案》[M]. 四库全书本.
《续名医类案》[M]. 四库全书本.
《普济方》[M]. 四库全书本.
《证治准绳》[M]. 四库全书本.
《神农本草经疏》, 四库全书本.
《绛雪园古方选注》[M]. 四库全书本.
《仁斋直指》[M]. 四库全书本.
《兰台轨范》[M]. 四库全书本.

The lost articles of *Yijianzhi*

ZHAO Zhang-chao

(School of literature, South West University, Chongqing 400715, China)

Abstract: There are four hundred and twenty volumes in *Yijianzhi* of Hong mai in Song Dynasty, But almost half of them was lost later. Zhang Yuanji, He Zhuo, Kang Baocheng, Li Yumin, Wang Xiuhui, Li Jianguo, Zhao Zhangchao have collected about five hundred lost articles. However, the content of *Yijianzhi* is very complicated, the lost articles are scattered in the books of historical records, *zi*(子) records and *ji*(集) records, the work of collection is not over. There are more than eighty lost articles in this thesis.

Key words: Hong Mai; *Yijianzhi*; The lost articles

(责任编辑: 闫丽)

(上接第 38 页)

Supplements and corrections on the collations of

DuShuZAZhi • *YiZhouShu* (《读书杂志·逸周书》) by Wang Nian-sun(王念孙)

LIU Jing-sheng

(Literary Institute of Shanxi Normal University, Xi'an Shaanxi 710062;

Literary Institute of Jishou University, Jishou Hunan 416000)

Abstract: The author discussed, supplemented and corrected the shortage and mistakes in argumentation, mistakes in the reason, errors in the collations of *DuShuZAZhi* • *YiZhouShu* by Wang Nian-sun.

Key words: Wang Nian-sun; Historical literature; Collation; Supplement and correction

(责任编辑: 陈剑)